

宣演靈音畢 諸仙返上穹 靈光除橫厄
甘露降真風 復命驪龍駕 遙運太室宮
水官歸洞府 福祿賜無窮
華夏頌引至三師幕 上香
具位某上啓

靈寶經籍度三師具君切以瑤壇虎拜恪遵
黃籙之科玉闕龍騰已需清微之澤始緜覆
蔭終藉維持某昨為齋主某人為其事仰荷
師恩已回齋福重念某步趨由徑馨歎及門
教雨涵濡未鈞玄於洞輔宗風揚歷莫守黑
於真元冒典瓊科懼榮玉律解壇表牘謹用
披宣

宣表
表文具嚴綱表昭鑒誓日首而捨舊期雲覆
以知新仰控青冥已返三華之翠仗俯提黃
混益綿萬葉之珠乘法衆運誠修齋奉送
修齋事仰荷玄恩志心稽首奉送
三師
雲與弗駐鶴駕難留仰望雲霄不勝
攀戀

送經師頌
經法雖微妙 崇奉悉四師 凡有立善者
咸得頻獲之 氣運功易就 心慢悔難追
若能動繫念 朝夕自仙飛

送籍師頌
道以齋為重 法以朝為常 不修不奉者
安能達帝鄉 有骨入仙品 自然開紫房
玄武排靈駕 但見金殿堂
送度師頌
迢迢玉京山 玄都何處覓
真人乘步虛 大道由人弘
修齋行道畢 稽首辭三師
宣闕 向來

靈寶領教濟度金書卷之十八
期朗長夜開
心至神自歸

靈寶領教濟度金書卷之十九 戊七
洞微高士開光啟普真人審金具授
靈寶通玄私教水南先生林靈真編
科儀立成品 祈禳問
立真師幕儀

步虛 洒淨 上香啟白
具位嗣法弟子某謹焚香供養
三洞四輔經籙法科祖玄真師列位真人經
籍度師列位真人恭望師慈備垂錄切以
清微御混茫之運玉宇徘徊赤明開溟滓之
圖金書敷落羅三洞而上乘演妙貫九清而
下教舒玄聖日輝華萬派流芳於後學玄靈
覆陰千燈濟美於前修暨茲帝闕之網維實
藉師垣之柱石今有齋主某人為其事建某
齋今當啓啟玄壇肅敷丹莢結盟證誓微祖
氣於九霄招真召靈霏靈光於十極匪絲提
獎曷副虔祈欲望未鳳清塵玄龍汎景辭珍
瓏之藻館曲映蟻忱御縹緲之芝惟恪敷鴻
既翊扶玄教護正齋功法衆運誠修齋奉請
修齋奉請真師降臨壇所

修齋奉請真師降壇所

雲與已降鶴駕來臨齋事圖成還宮奉送

恭謹上啓

三洞四輔經錄法科祖玄真師列位真人經籍度師列位真人切以教闡玄元瑤範開先

於西蜀齋嚴靈寶瓊章丕振於東吳提幽顯以乘宸決圓方而啓旦執主張是夙欽道德

之巍巍式輔翼之期聲忠誠之皎皎以今奉為其人建某齋懇徵真取開朗宗乘伏念某

夙藉慶基幸逢昌運七經八緯莫觀妙於黃房四雌五雄未擬玄於紫戶疏烟林之步武

四塵棘之精神切切惜分悠悠進寸況齋功妙密羅萬帝以臨軒壇律精嚴撒千真而校錄格未諳於俯仰心莫契於威儀豈輅洪禧

徒罹玄憲敢冀曲提後學許紹先猷扣清宸九虎之關為敷丹幅降黃道六龍之御請露

玄恩庶得鳴玉召靈流金減試朱章露表輝輝登紫翠之林丹夏霞枝勃勃悅玄珠之會

敷善功於遐邇圖齋事於始終疏牘啓壇謹當教露

宣疏

疏文控露師瞻昭回顧風御之遑留勅雲與之暫駐玄壇宣德期克享於天心丹闕頌恩諒昭從於人欲敷心激切皈命動渠事不勝虔禱之至

謝真師幕儀

華夏頌引至真師幕 上香

具位嗣法弟子某謹焚香供養

三洞四輔經錄法科祖玄真師列位真人經籍度師列位真人切以三洞開先幽顯被如

天之福一乘演妙古今蒙若水之機告成幸備於齋功歸美敢忘於師寶某昨自某日為

其人建某齋仰荷師恩幸成釐事尤慮某屠龍技拙附鳳材疎驚驚催進止有違於玉律龍鸞拱御對揚或冒於金科三元五帝之

判圖十極四司之校藉某敷雲錦敢聲珠環解壇疏文謹當宣讚

宣疏

疏牋敷落師瞻昭嚴願回有造之恩悉洗无涯之各曲提後學許紹先猷紫蓋凌霄已越

埃風於地大清都宴景普宏化日於天長法衆運誠修齋奉送

修齋事畢仰荷玄恩忘心稽首奉送真師

真師

雲與弗駐鶴駕難留仰望雲霄不勝

琴戀

向來

立左右二幕儀

華夏頌引至真師幕 上香

具位某謹焚香上啓

三洞祖玄真師列位真人經籍度師列位真人仰冀師慈俯垂明證切以壇律敷羅降諸

天而校錄齋盟崇重徹列聖以監真聲宏修奉之規控露飯依之請以今奉為其人修某

齋立幕告齋堂壇混景欲望慈悲應感智慧圓通持與關告靈寶玄師正一教主監齋真

聖三元帝君經籍度師會垂鑒映降玉垣之羽仗護正玄功承金闕之綸恩詎敷丹渥天人欣慶遐邇瞻依某不勝虔祝之至

華夏頌引至六幕 上香

具位某焚香上啓

三天化主玄中大法師真君三天大聖都天
大法天師正一靜應真君靈寶經師真君靈
寶籍師真君靈寶度師真君靈寶監齋大法
師真君恭望師慈曲垂省覽切以靈寶開光
祖氣靈羅於五億玄元演妙神功日赫於三
千惟道為尊元師不度以今奉為某人為某
事今將聲啓玄壇肅敷丹範驚旂迅景願辭
紫幣以追臨鳳輦飛霄俯御青冥而下邁翊
扶正教提獎宗乘法眾運誠修齋奉請

修齋奉請六師降臨壇所

雲輿已降鶴駕來臨齋事圓成還當

奉送

獻茶

具位某上啓

三天化主玄中大法師真君三天大聖都天
大法天師正一靜應真君靈寶經師真君靈
寶籍師真君靈寶度師真君靈寶監齋大法
師真君切以始青出教彰聖海之汪洋大赤
垂科鑿帝江之浩蕩匪絲宗主曷遂開張今

有齋主某人為某事自惟違心內曲徒招禍
福由己之愆奏志中迷莫輒視聽自民之澤
具有表牘謹用敷宣

宣表

表文控宣聖聰昭鑒願停輪而款駐即御幕
以徘徊玄之又玄惠露涵濡於幽顯上極无
上真風披拂於邇遐禱福周圓宸禧丕冒某
不勝虔祝之至

華夏頌引至三官幕 上香

具位某焚香上啓

天地水三官帝君恭望聖慈曲垂省錄切以
道冠虛无洞輔權衡於五劫教尊靈寶威儀
主宰於三元非誠莫通惟德是輔以今奉為
某人某事建某齋仰瞻鳳闕願藉蟻悃以時
款俯邁龍輿已御芝圖而日監法眾運誠修
齋奉請

修齋奉請三官降臨壇所

雲輿已降鶴駕來臨齋事圓成還當

奉送

獻茶

具位某上啓

天地水三官帝君切以運昭騰騰敷鴻既以
傳真壇登鬱羅蕭駕班而侍聖匪絲宗主曷
遂開張今有齋主某人某事自惟紅塵日涉
莫明忝授非營之玄紫氣天臨徒軼茅茨不
翦之隄具有表牘謹用敷宣

宣表

表文控宣聖聰昭鑒願駐帷而容與為委鬱
以逢留中有度人經緯普濟於壽域上无復
祖玄黃俱陟於福庭聖澤昭融齋功周備某
不勝虔祝之至

謝左右幕儀

具位某上啓

天地水三官帝君切以日近瑤壇喜拜玄元
之澤雲生瓊闕幸親道德之光敢證初忱恪
祈終惠且向來奉為某人某事仰荷恩光克
諧圓滿重念某望洋凜凜坐井卑卑教闡三
天莫霽清微之雨露齋敷九地懼貽紫柱之
雷霆宜冀鴻私庶寬蚊負表文扣謝恭對被
宣

宣表

表牘控陳聖聰昭鑒願書功而捨舊庶改過以知新綠輦丹與諒返靈光於天上黃旗紫蓋願敷祖氣於人間法衆運誠修齋奉送

修齋事畢仰荷玄恩志心稽首奉送

三官

雲輿弗駐鶴駕難留仰望雲霄不勝攀戀

攀戀

華夏頌引至六幕 上香

具位某上啓

三天化主玄中大法師真君三天大聖都天大法天師正一靜應真君靈寶經師真君靈寶籍師真君靈寶度師真君靈寶監齋大法師真君切以誠徹九關喜際清光之邁澤覃十極幸承紫氣之臨既畢朝儀重輝野佃某向來奉為某人某事仰荷恩光克諧圓滿重念某坎蛙鄙識輟跡材王陛承顏莫暢玄釐之日赫瑋煒緞武慮嬰丹憲之霜明第切心兢匱祈手撥表文扣謝恭對披宣

宣表

表牘控陳師聰昭鑒願削前非於黑簡貶宏今是於青編碧鸞九華諒返丹霄而容與紫烟三素永敷黃混於逍遙法衆運誠修齋奉送

修齋事畢仰荷玄恩志心稽首奉送

六師

雲輿弗駐鶴駕難留仰望雲霄不勝攀戀

攀戀

向來 立將吏監臨幕儀

華夏頌引至將吏幕 上香

具位某焚香供養

本靖諸省府院司仙官將吏伏以道氣羅敷廓虛无之聖化神功赫奕宏妙有之真機玄壇既啓於齋盟丹簡宜徵於靈貺某先據某人為某事建某齋已騰詞而關告諒飛馭以前來為詳激切之情寅領監臨之職今則芝儀告備蕙範將宣雲騎周回時行萬程而莅止風駛迅邁俱會一處以來游法衆運誠敬仰奉請

請紳

茶酒 上香

某上啓

本靖諸省府院司仙靈官君將吏切以西靈內禁儼劔珮以雲羅壯闔中樞煥旌旄而星列庶府鷹揚於聖武諸司虎視於神威翊教三天宣符九地凡齋修之建設宜壇律之衛嚴以今奉為某人恭校真科惠微洪蔭欲望上遵帝令下副民情氣策黃中微萬魔而擇試神交碧落撒千真而致靈玄壇勝文謹當宣示

宣榜

榜文敷露靈聰昭願風暴之少留俾雲旗而暫駐衛真護道崇崇三令之勳舉賞言功格煥九遠之寵某無任懇禱之至

華夏頌引至監臨幕 上香

具位某焚香供養

靈寶齋壇虛空監察監臨翊衛一切威靈切以帝御天關運樞機而制地神司地禁贊網紀以承天仰惟齋律之中嚴查仗靈威之外翼先據齋主某人為某事建某齋凡騰詞而

關告諒飛馭以來臨願詳激切之情為領監臨之選今則芝儀告備義範將宣畫戟前驅擁虎符而迅邁玄旗後從駉駉駕以飛游法衆運誠敬伸奉請

請神 茶酒 上香

其上啓

靈寶齋壇虛空監察監臨翊衛一切威靈切以班崇九土稟勇智以持衡望峻一方宣聰明而作鎮視政春融之玉絃宣仁天錫於金章水鑑无私水衡有則以今奉為某人為某事欲望戒嚴部伍警肅種隔改氣風清徹奠忱於圓蓋靈光日赫徹芝渥於方輿玄壇榜文謹當宣示

宣榜

榜文敷露聖聽昭回顧英蕩之選徊勤稽惟而暫駐監真術法坐彈熟績於皇壇遠實升階行轅恩榮於紫極其無任懇禱之至

謝監臨幕三獻儀

步虛 洒淨 上香

其焚香上啓

玄壇內外監臨翊衛一切真靈切以玄壇日近恪彈饗帝之恭方慕雲聯曾肅召神之禮幸慶成於齋福益歸美於靈聰爰露芹衷惠延芝馭洋洋左右願少駐於珩瑤昭昭見聞敢少稽於瑤玖香風四舉梵氣齊飛法衆運誠虔恭奉請

誠虔恭奉請

請神 初獻

其上啓

玄壇內外監臨翊衛一切真靈切以三氣開圖握神機於紫極百靈受職恭帝紀於黃埃。況靈寶之齋修布玄元之惠澤功治今古化洽人天凡有鋪陳必勞翊衛頃為某人崇建某齋仰微威神之重借靈小心幸敷聖武之隆恪扶大教達恭忱於帝所敷芝澤於神鄉九醜飛奔有風靜雲藏之妙八威奮迅煥天開地闢之功合幽顯以惟願薄通遐而加額恩隆演岱惠徹華夷將遵徽慕之拜諱遂回輯之喜再陳菲禮庸歷莖言執事恭陳亞獻

亞獻

切以天官舉迂按女青之玉格地祇護衛昭

太素之金科元勳既罄於玄壇厚賞隨班於紫禁誠通朱表既騰景以告成息煥丹綸必依光而陟品某等羽儀八陛領袖群工慮塵網之未清或玄機之尚鬱受事陽局易將公正之心効職陰曹多昧慈仁之旨悉祈委曲普為申明俾准格以宣勞毋向隅而棄力凡有懇禱并賴維持其不勝虔祝之至

終獻 宣發回牒

文微具宣神聰委鑒所冀中嚴衛整外辦既旋歛至相歡愈重神威於九鼎告成有慶多膺天祿於萬鐘恭候宸休宏登具職其不勝懇切之至法衆運誠虔恭奉送

送神 回輯頌

回輯五雲與 騰駕九章歌 條忽升天速 懸壇香氣多 玄思罩宇宙 福祿遍山河 緬想神仙路 逍遙上大羅 向來

靈寶領教濟度金書卷之十九